

Izjava OHR-a na konferenciji za medije međunarodnih organizacija

Prvi sastanak Komisije za restrukturiranje policije

Komisija za restrukturiranje policije će održati svoj prvi sastanak u četvrtak, 22. jula u Zgradi zajedničkih institucija. Komisija ima mandat da pomogne BiH da se uspostavi policijska struktura koja će biti učinkovita i provoditi vladavinu prava.

EU je nedavno objavila funkcionalni pregled u kojem je izneseno da su policijske snage u BiH podijeljene, sa previše uposlenih, sa premalo sredstava za rad i bez mogućnosti da djeluju preko međuentitetske linije. S druge strane zakona bh. kriminalci su ujedinjeni, dobro opremljeni te nekažnjeno djeluju u regionu.

Ako BiH želi ući u Europu morati će restrukturirati policijske snage. Europa neće osigurati bezvizni režim te sigurno neće primiti u članstvo zemlju koja ne može provoditi vladavinu prava. Da bi naglasio ovo europski komesar Chris Paten će prisustvovati prvom sastanku ove Komisije.

Prije svega, ovo je strukturalni problem. Predsjedavajući Wilfred Martens će se prije svega pozabaviti praktičnim problemima Komisije za restrukturiranje policije ali će i pokrenuti raspravu o konceptualnim pristupima da bi se ostvarila jedinstvena struktura policijskih snaga za BiH pod cjelokupnim političkim nadzorom ministarstva ili ministarstava u Vijeću ministara.

Članstvo u EU i NATO-u je najbolja šansa za ovu državu da osigura dugoročni mir i prosperitet i ovo zavisi od procesa restrukturiranja policijskih snaga u BiH.

Novi šef Regionalnog ureda OHR u Tuzli

Visoki predstavnik Paddy Ashdown imenovao je gospodina Orlanda Fuscoa na poziciju šefa Regionalnog ureda OHR u Tuzli. Gospodin Fusco je u regiji od 1997. godine i radio je za OSCE na poslovima u vezi održavanja izbora u BiH i na Kosovu, te je vodio jednu veliku nevladinu organizaciju u Srbiji.

Tokom posljednje dvije godine, gospodin Fusco je obavljao dužnost šefa Terenskog ureda OHR u Travniku.